

Meerartaarnermut atatillugu Nunatsinni tulluarsakkamik aningaasaateqarfiliornissamut periarfissanik misissuinissaq siunertaralugu Naalakkersuisut suliffeqarnermik suliaqartunut isumaqatigiinniarnissamik aallarnisaanissaannut peqquneqarnissaannik Inatsisartuni aalajangiiffigisassatut siunnersuut. Meerartaarnermut atatillugu aningaasaateqarfiup akissarsiallit tamakkerlutik maanna ullormusiaqartitsinermit pitsaaneruseqarfiup atugaqalernissaat qulakkiissavaa

Inatsisartunut ilaasortamit Naaja Nathanielsenimit, Inuit Ataqtigiit, saqqummiunneqartoq

Akissuteqaat

(Aningaasaqarnermut Nunamullu Namminermet Naalakkersuisoq)

Aappassaaneerinnineq

Aningaasaqarnermut Akileraartarnermullu Ataatsimiititaliap isumaliutissiissutaanut Naalakkersuisut qujapput.

Naalakkersuisut isumaliutissiissut soqutigalugu atuarpaat maluglugulu ataatsimiititaliami isumaqatigiilluni allannguutissatut siunnersuuteqartoqarsimasoq.

Isumaliutissiissummi allannguutissatut siunnersuut Naalakkersuisut isumaqatigisinnaavaat tamannalu malitseqartinniarlugu.

Taamatut oqaaseqarlunga siunnersuut Inatsisartunut suliassanngortippara.